

akti, koji nisu obuhvaćeni prijedlogom godišnjeg programa rada Vlade, odnosno za koje Vlada nije odlučila da se provede prethodna procjena i na koje se ne odnosi Uredba o procjeni uticaja propisa, dostavljaju se sa:

- a) obrazloženjem koje sadrži:
 - 1) ustavni, odnosno zakonski osnov za donošenje propisa,
 - 2) razloge zbog kojih treba donijeti propis i načela na kojima treba da se urede odnosi u odgovarajućoj oblasti,
 - 3) objašnjenja pravnih rješenja sadržanih u propisu,
 - 4) mišljenja kantonalnih organa i organizacija, nevladinog sektora i drugih učesnika u raspravi o prednacrtu i nacrtu propisa, koji su konsultovani u toku izrade propisa, sa posebnim osvrtom na mišljenja koja nisu usvojena i razlozima zbog kojih nisu usvojena,
 - 5) finansijska i druga sredstva potrebna za provođenje propisa i način njihovog obezbjeđenja (izvori sredstava),
 - 6) priložene odredbe propisa koji se mijenjaju ili dopunjuju i odredbe propisa koji su pomenuti u preambuli i tekstu propisa i obrazloženju propisa,
 - 7) mišljenje Ekonomsko-socijalnog vijeća za područje Kantona Sarajevo na nacrtu propisa i drugih akata, koji se odnose na oblast ekonomske, socijalne i razvojne politike i ekonomskih i socijalnih prava i interesa zaposlenika i poslodavaca, sa osvrtom na mišljenje, odnosno da li je mišljenje prihvaćeno ili ne, i razlozima zbog kojih nije prihvaćeno;
 - b) mišljenjem Ureda za zakonodavstvo Vlade, sa stanovišta usklađenosti sa ustavom i pravnim sistemom;
 - c) mišljenjem Ministarstva pravde i uprave, sa stanovišta usklađenosti sa Evropskom konvencijom o ljudskim pravima i osnovnim slobodama i drugim pravnim aktima kojima se štite ljudska prava i slobode;
 - d) mišljenjem, sa prijedlogom Ministarstva finansija o izvorima finansijskih sredstava za provođenje propisa i potrebnim finansijskim sredstvima i
 - e) mišljenjem Pravobranilaštva Kantona Sarajevo, kada su u pitanju propisi imovinsko-pravnog karaktera.
- (4) Odluke, rješenja i zaključci, kao pojedinačni akti Vlade, dostavljaju se Stručnoj službi Vlade uz propratni dopis sa obrazloženjem i mišljenjima Pravobranilaštva Kantona Sarajevo i Ministarstva finansija, ukoliko su potrebna, ako se radi o imovinsko-pravnim odnosima ili zahtjevima za budžetska sredstva.
- (5) Izrada i dostavljanje nacrtu i prijedloga propisa i drugih akata iz st. (2) i (3) za razmatranje na sjednici Vlade vrši se na način i po postupku utvrđenom Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", br. 50/17 i 2/18 - Ispravka) i njenim kasnijim izmjenama i dopunama."

Član 2.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-29940-4/22
04. augusta 2022. godine
Sarajevo

Po ovlaštenju premijera
Ministar
Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 164. stav (8) Zakona o visokom obrazovanju ("Službene novine Kantona Sarajevo", broj 33/17, 35/20, 40/20 i 39/21), Vlada Kantona Sarajevo, na 88. sjednici održanoj 04.08.2022. godine, donijela je

ODLUKU

**O PROŠIRENJU BROJA I STRUKTURE STUDENATA
KOJI SE MOGU UPISATI U PRVU STUDIJSKU
GODINU I CIKLUSA STUDIJA I INTEGRISANOG
STUDIJA NA UNIVERZITETU U SARAJEVU U
STUDIJSKOJ 2022./2023. GODINI**

I

Utvrđuje se dodatni broj i struktura studenata koji se mogu upisati u prvu studijsku godinu I ciklusa studija i integrisanog studija na Univerzitetu u Sarajevu u studijskoj 2022./2023. godini, kako slijedi:

1. Medicinski fakultet Univerziteta u Sarajevu:

- a) 20 studenata na integrisanom studiju "Medicina" (redovan samofinansirajući studij).

2. Akademija likovnih umjetnosti Univerziteta u Sarajevu:

- a) jedan student na studijskom programu "Slikarstvo" (redovan samofinansirajući studij).

3. Fakultet zdravstvenih studija Univerziteta u Sarajevu:

- a) tri studenta na studijskom programu "Laboratorijske tehnologije" (redovan samofinansirajući studij),
- b) tri studenta na studijskom programu "Radiološke tehnologije" (redovan samofinansirajući studij),
- c) tri studenta na studijskom programu "Zdravstvena njega" (redovan samofinansirajući studij),
- d) tri studenta na studijskom programu "Sanitarno inženjerstvo" (redovan samofinansirajući studij),
- e) tri studenta na studijskom programu "Fizioterapija" (redovan samofinansirajući studij),
- f) tri studenta na studijskom programu "Zdravstveni nutricionizam i dijetetika" (redovan samofinansirajući studij).

4. Farmaceutski fakultet Univerziteta u Sarajevu:

- a) 10 studenata na integrisanom studiju (redovan samofinansirajući studij).

II

Zadužuje se Ministarstvo za nauku, visoko obrazovanje i mlade Kantona Sarajevo da prati realizaciju ove odluke.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-29940-5/22
04. augusta 2022. godine
Sarajevo

Po ovlaštenju premijera
Ministar
Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 88. sjednici održanoj 04.08.2022. godine, donijela je

ODLUKU

O DAVANJU SAGLASNOSTI NA TEKST ANEXA BROJ 1 SPORAZUMA O REALIZACIJI PROJEKTA "IZGRADNJA STAMBENO-POSLOVNIH OBJEKATA U KANTONU SARAJEVO" PUTEM RJEŠAVANJA STAMBENOG PITANJA MLADIH ZA KUPOVINU STANA PO OSNOVU PREDINVESTIRANJA U POTICAJNU STANOGRADNJU INVESTITORA FOND KANTONA SARAJEVO ZA IZGRADNJU STANOVA

I

Daje se saglasnost na tekst Anexa broj 1 Sporazuma o realizaciji projekta "Izgradnja stambeno- poslovnih objekata u Kantonu Sarajevo" putem rješavanja stambenog pitanja mladih za kupovinu stana po osnovu predinvestiranja u poticajnu stanogradnju investitora Fond Kantona Sarajevo za izgradnju stanova.

II

Ovlašćuje se ministar komunalne privrede, infrastrukture, prostornog uređenja, građenja i zaštite okoliša Kantona Sarajevo da potpiše Anex broj 1 sporazuma iz tačke I ove odluke.

III

Za realizaciju ove odluke zadužuje se Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, Fond Kantona Sarajevo za izgradnju stanova i Kantonalni stambeni fond Sarajevo, svako u okviru svoje nadležnosti.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-29940-9/22
04. augusta 2022. godine
Sarajevo

Po ovlaštenju premijera
Ministar
Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 88. sjednici održanoj 04.08.2022. godine, donijela je

ODLUKU

O DAVANJU SAGLASNOSTI NA TEKST UGOVORA O SPONZORSTVU IZMEĐU MINISTARSTVA PRIVREDE KANTONA SARAJEVO I TURISTIČKE ZAJEDNICE GRADA GRADAČCA

I

Daje se saglasnost na Tekst ugovora o sponzorstvu između Ministarstva privrede Kantona Sarajevo i Turističke zajednice Grada Gradačca o sponzorisanju 49. Međunarodnog sajma poljoprivrede i prehrambene industrije "Sajam šljive" Gradačac.

II

Ovlašćuje se ministar privrede Kantona Sarajevo da potpiše ugovor iz tačke I ove odluke.

III

Daje se saglasnost da na sajmu iz tačke I ove odluke, Ministarstvo privrede Kantona Sarajevo predstavlja poljoprivredni proizvođači odabrani putem javnog poziva.

IV

Za realizaciju ove odluke zadužuju se Ministarstvo privrede Kantona Sarajevo i Ministarstvo finansija Kantona Sarajevo, svako u okviru svoje nadležnosti.

V

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-29940-10/22
04. augusta 2022. godine
Sarajevo

Po ovlaštenju premijera
Ministar
Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 88. sjednici održanoj 04.08.2022. godine, donijela je

ODLUKU

O DAVANJU SAGLASNOSTI KANTONALNOJ UPRAVI CIVILNE ZAŠTITE KANTONA SARAJEVO DA BEZ NAKNADE USTUPI NA PRIVREMENO KORIŠTENJE KJKP "VODOVOD I KANALIZACIJA" D.O.O. SARAJEVO RADNU MAŠINU

I

Daje se saglasnost Kantonalnoj upravi civilne zaštite Kantona Sarajevo da bez naknade ustupi na privremeno korištenje KJKP "Vodovod i kanalizacija" d.o.o. Sarajevo radnu mašinu rovokopač- utovarivač, marke JCB, tip 3CX14MFNM, broj šasije JCB3CX4WJK2868977, godina proizvodnje 2019., boja žuta.

II

Daje se saglasnost na tekst Ugovora o ustupanju na privremeno korištenje rovokopača-utovarivača i ovlašćuju se direktor Kantonalne uprave civilne zaštite Kantona Sarajevo i v.d. direktor KJKP "Vodovod i kanalizacija" d.o.o. Sarajevo da isti potpišu.